

Bingzgoj Guh Buek Hozdung Ciet Daznuj Coicaenh Doxsaeb Hwngfat

平果开展达努节系列活动推进互嵌式发展

Mboengqneix, Bingzgoj Si Haijcwngz Yangh guh angqcoux Ngeihcib Daih “giengz guek fwkhwnz miz gou” buek hozdung ciet Daznuj. Hozdung miz vwnzyi biujyenj, doxdax dwkgyangq, bengcag, dwk aendom, lij fat aen cieng geiqniemh miznaj haeujdangj hajcib bi daengj, angqcoux ciet laebdangj “caet it”, mboujduenh ciepcienz caeuq fatyienz vwnzva minzcuz, dazyinx gyoengq beixnuengx gak minzcuz “gyo aen dangj, dingq vah aendangj, riengz aendangj baenaj”, coicaenh vunzlai gak minzcuz doxsaeb baenaj.

(Cinz Yenvaz/陈燕华)

► Beixnuengx Bingzgoj Si Haijcwngz Yangh aeu laeuj coux hek daeuj daengz.



Lungzswng: Henz Daemz Va'ngaeux Gangj Seuqcingh

龙胜：荷花池畔话清廉

7 nyied 2 hauh, Lungzswng Gak Cuz Swciyen Gungh'anh Giz cujiz dangjyenz ganbu bae aen dieggiek son'gyauq vwnzva lenzcwnz laeng Lozgyangh Cin, hwnj dangzgoq aen-dangj, guh aen hoih faenyienj seuqcingh. Youq henz daemz va-

ngaeux, gyoengqvunz hag lizsij aen-dangj, lwnh seuqcingh, gangj gij goj henzndang mizgven, hawj ganbu gag rox guh vunz aeu seuqcingh, ceng guh boux gingjcaz “cungcig, ndangseuq, dawz-rap” seizdaih moq.

(Vuz Cencen/吴倩茜)



▲ Gyoengq dangjyenz ganbu nyinhcaen dingq goj saekhoengz.

Bwzliuz Hai Aen Hoih Doicaenh “Aen Si Song Guhyiengh” Hong Minzcuz

北流召开民族工作“双示范市”推进会

Mboengqneix, Bwzliuz Si hai Aen Hoih Doicaenh “Aen Si Song Guhyiengh” Hong Minzcuz, dauq fatdoengh, baijbouh gij hong cauhaeb aen si guhyiengh guh minzcuz doxgiet baenaj daengx guek, aen si guhyiengh cukmaenh gij eiqsik caezcaemh Cunghvaz Minzcuz daengx gih. Aen hoih yinxok, daj guh hong cauhaeb doxdaeuj, Bwzliuz guh'ok haujlai cingzciik, lumj guh le hajcib roek ciengz vwnzdij hozdung, hwnq le haj aen gvanj langhbaij vwnzva gang vax minzcuz, laeb le cib aen dieggiek guhyiengh daengj, hoeng caemh miz di vwndiz he. Yauhgiuz daengx si aeu caezsim comz rengz, dawz hong cauhaeb guh ndaej youh ndei youh biucinj coux guekgya niemhsou.

(Luz Yij/卢雨)

Sanhgyangh: Ciengj Byaleix Coi Gaenx Hag

三江奖励锦鲤促勤学

7 Nyied 2 hauh, Sanhgyangh Duncuz Swciyen Gyanghconh Siujyoz youq byai haggeiz guh aen yizsiz fat ciengj, ciengj hawj song bak betcib boux lwghag guh ndaej ndei haenx gak boux gak duz byaleix hung, gikleih gyoengq lwghag lumj bya yat gvaq doulungz, gaenx hag buekguh. Gyawj

geij bi neix, Sanhgyangh haenqrengz doicaenh bangrex gyauyuz, lumjbaenz bang hwnq diegninz, laeb aen ciengj gyauyuz Gyanghconh daengj, caenh-rengz doidoengh gij gyauyuz Mbanj-dung hwngfat ndaej youh ndei youh vaiq.

(Gungh Bujangh/龚普康)